

costoro, et amazorono gran parte, et ferirono quello che era sopra li salli preditto di 12 ferite, fo lassato per morto. Poi fo tirà dal piovan in chiesa, quando sapeno che l'era in chiesa, andorono in chiesa, pregandolo che 'l ussisse, che essi voleano far tutto quello che esso volea, e questo dicea per volerlo amazar; mai non volseno violar la chiesa, nè inferir altro oltrazo. Dice che sono questi siculi 6000 cavali; et tra li capi el primo è uno Lazaro *etc.* La maestà dil re, inteso questo, scrisse a tutti li signori vescovi, capitoli et nobili, che, sotto pena de esser rebelli, pigliaseno tutti le arme et andaseno contra questi rebelli, et li debelasseno *armis*. L'altre parte de Transilvana hanno mandato oratori qui per questo; et scrissero *etiam* li baroni di Transilvana a' siculi, che mandasseno oratori al re, et che venissero sopra la lhor fede. Et *sic* erano posti in viazo do di quelli primi, con 30 cavalli, li qualli veneno per insino a Sibra; et li lhor inimici intendando che vegniveno con 100 cavali per pigliarli, essi, inteso questo, se reduseno in uno inclaustro di frati li in Sibin, et scrissero a li soi che li vegnisseno a liberarli. Et *sic* vene uno noncio al re et a li oratori di Transilvana, de la qual cosa se ne lamentava tutta Transilvana, che li oratori, fidati per l'horo et subditi, non siano liberi, *cum sit, quod oratores turchorum et infidelium sint securi*. Et *sic* el vayvoda subito spazò uno nontio, che fosseno lassati vegnir sicuri et acompagnati, et *similiter* el re, *tamen* siculi erano mossi per vegnir per l'horo, et se non ge darano li soi oratori, manazano brusar tutta la terra; e cussi farano. E dice costui, che 'l dubita, che questi noncij saranno tardi, perchè harano liberati li oratori, che mandaveno per forza, et non li manderano più qua; sì che seguirà qualche gran scandolo. Et essi oratori venere passado dovea haver resposta, la qual è prolungata fino al tornar de questi do nontij mandati a Sibin. La Transilvana se scusa de non voler andar contra l'horo: prima per esser conzonti di sangue con l'horo: 2.º perchè sono a li confini, e che poriano introdur turchi o valachi; e poi l'horo non sariano sufficienti a resister soli, et *etiam* perchè Stefano vayvoda, è vecchio, se occoresse la so morte, che turchi non pigliano quello paese, perchè non se pol dar socorso per altra parte che per quella; 3.º che sono zente vendichativa, commo sono valachi, e che mai se dementegano le inzurie; et che, quando fosseno in campo contra turchi o inimici, non saperiano da chi guardarse, o da li soi o da inimici, perchè se recorderiano: Costui amazò mio padre o mio fratello *etc.*, e mi amazerò adesso lui. Per le qual cosse

pregono la maestà dil re, che ge perdoni; e se 'l se vol vendichar, manda altri dil regno, perchè l'horo non sono sufficienti, perchè sono adesso 7000, insieme se adunerano fin a 12 o ver 14 milia. El re aspetta a risponder fin al vegnir di quelli noncij *etc.* *Item*, heri, siando el re in sala granda, e la raina e il cardinal ystrigoniense, e tutti li prelati e baroni, aspetando la dispotessa zovene, zoè la mojer fo dil dispoti morti, per farla sposar dal dispoti electo novamente, el Berislo, essa, assendendo sopra, caschò in angossa, et per morta fo portata in camera, e *adhuc* è in lecto. Essa per niente se volea maritar; la rezina l'ha tenuta in corte per tre zorni et tre nocte, et mo che 'l havea promesso, volse subito farla spossar; et lei ne l'ascender *ab illa mestitia correpta* caschò, et *est complicatio matris*. *Item*, el zorno di Pasqua el re andò in chiesa; el reverendissimo cardinal strigoniense cantò la messa *cum ceremoniis*; et andando poi el re a casa, lo secretario andava avanti el re, come feva li oratori nostri quando erano li, et *similiter* in chiesa. El cardinal si vol partir doman, e li cari sono zonti, *tamen* crede el non porà haver licentia dal re. *Item*, l'altro eri zonse li uno nontio dil papa, el qual portava la nova di la creation dil papa Julio 2.º, et era per andar im Polonia *etc.*

A dì 19. Fo pregadi, leto letere, posto la parte 14 dil Condi, stratioto, per li savij ai ordeni, darli certa provision in Levante; et fu poi sospesà per alcuni di colegio. *Item*, introno in la materia, *ut* credo o disseno, *ergo nihil scribam*.

In questi zorni, la terra di peste pur era agravata, et in varie contrade a la zornata ne morivano, *licet* per li deputati sora la sanità si feva grandissima provisione.

A dì 20. Da poi disnar fo consejo di X.

A dì 21. Fo pregadi. Referi sier Alvixe Mozenigo, el cavalier, la sua legatione di Germania, laudato dal vice doxe, justa il consueto, et vene zoso di pregadi.

Di Hongaria, di Zuan Francesco di Benetti, secretario nostro. Chome il re era *iterum* caduto apoleticho; la raina si dice è graveda; il cardinal ystrigoniense si duol, che la Signoria non li mantegni la promessa di beneficij *etc.*; et che 'l manderà uno orator suo, et la Signoria mandi uno altro, *super loco* in Dalmatia, a veder i danni fati a' nostri subditi *etc.*

Et cussi, per parte posta per il colegio, fu preso, che sier Sabastian Zustignan, el cavalier, pode-